

修不堪營房七十間城樓大房三間角鋪房  
二間頭等城工八丈等因各冊報前來隨備  
將主客大小官員分別等第內除總兵部道  
修工勞績另于三年報工疏內查叙及修過  
工程用過錢糧遵照部議開造簡明文冊咨  
送戶兵二部查考并令各兵備官備細造冊  
聽候閱工衙門查勘明實徑自具

奏外該臣會同出鎮行邊總督薊遼保定等處  
軍務兼理糧餉經略禦倭少傅兼太子太傅

兵部尚書兼都察院右都御史王象乾議照

薊昌環護

陵京肩背爲腹心倚命牖戶卽堂奧維藩雖使執  
訊獲醜未足言功而間有乘隙蹈瑕便難貫  
罪故撫練修防相提並重主客將領課殿最  
嚴歲終甄別之政較與各鎮異誠重之也如  
主將客將有應以兵馬論者有應以工程軍  
務兼論者而路將守提則當以防撫事蹟並  
論客班暨南兵營將領又當以兵數堪否分

論總之權大小以爲衡繩衝緩以爲准武力  
不至于過美畸袤不得以佚罰以爲受事之  
的而已至于身不親版築之務而衆心可以  
成城職不關表餌之籌而合謀可以入穀材  
無微而忍寘任稍效而宜酬則今日東氛未  
靖西媯未彌所爲頓網宜加于前牘抽揚不  
遺于小善者也况密雲三屯永平三車營之  
創建著有成勞而通州舊撫新鎮竒正各營  
位置甚設先經督臣通撫特疏列薦者相應

一併酌叙固不得堅拘舊額掛漏甄收者矣  
除將各營路官軍馬騾器械項數遵照部題  
及歷年事規該臣類冊送部考覈外今照天  
啟二年春秋兩防主客將領守提及中軍千  
把總等官既經鎮道開報前來臣等逐加覆  
覈以主客將領修工者言之除任淺功微應  
獎叅遊都司守提等官陳琚等及中千把總  
等官陳一中等一百九十五員罪輕應戒守  
備中千把總等官茅國英等三十九員應革

任中千把總等官張弋等四十九員功罪相  
準應免議遊擊都司守備中千把總等官張  
萬春等五百五十員聽臣等照例徑行外其  
功罪顯著者如協守中路副總兵王繼古北  
路副總兵顏光耀喜峰路遊擊今陞督師閣  
部中軍滿桂遵化標下中軍遊擊朱來馬蘭  
路遊擊朱桂芳石匣營遊擊今陞宣府東路  
叅將汪爾信宣府營都司今陞任盧抱忠密  
雲右掖營都司頗希牧曹家路都司今陞大

同營遊擊邢萬民遵化威虜營都司李世爵  
駐防義院口浙兵加銜都司張惟德桃林口  
守備今陞遵化輜重營都司孟喬芳黃土嶺  
守備今陞昭武營都司路元寧界嶺口守備  
今陞都司仍管守備事曹應登李家谷守備  
今陞山東營都司吳道明遵化標下旗鼓守  
備龔彰潮河川守備張成德冷口守備楊文  
魁潘家口守備胡從信青山口管提調事把  
總畢尚信大毛山管提調事把總李魁春以

上各官畧侔雷電忠貫日星涵四機七畧于  
胸中笑談風生白羽布八陣六花于掌上指  
麾霜凜朱旂大虜方蠶食以鷓張乃嘗膽臥  
薪報

國素心愈壯洪濤倏懷山而駕阜爰楫風沐雨  
障夷偉績堪書貔貅總多多益善之雄何啻  
車攻六月壁壘壯屹屹是伐之勢行看訊執  
一戎內協守近側責成稽查客將工程今查  
各官所修之工惟大河南營都司夏勳小河  
南營都司陳繼勳下應修山海關城上有遺  
工未完見今

題叅其餘工程俱各修築如法且主兵併修甬  
水坍工剷挑坡塹爲勞更多相應優薦紀錄  
及照遊擊朱來虎視雄姿鷹揚壯畧事無鉅  
細靡不竭蹙調劑而于標營新舊千人簡稽  
不遺餘力三衛

貢回夷人沿途傑驍難制臣遣本官單騎讐之  
驛騷頓戢浮費爲省其才勇有足多者都司

李世爵共武威生四壘分甘惠洽千軍該營  
爲前撫臣李瑾新創本官推心置腹剛柔互  
施俾東西南北之畸人聯爲家人父子之一  
氣以上二官在朱來則轄騎兵在李世爵則  
統步卒今臣授以握機八陣滾陣歸營分合  
團練人皆超距勢壯崇墉朱來應量加叅將  
職銜李世爵應量加遊擊職銜各照舊管事  
加銜都司張惟德仗劍一身是膽探籌滿腹  
皆兵先在遼左一門從征六十餘人俱搨脰

沙場本官歸然獨存有誓不與賊俱生之志  
守備龔彰文能草檄武裕揮戈于薊門邊勢  
之衝緩夷情之向背不啻燭照而慎以提躬  
惠以結士行間所不數數者臣業將李一鳳  
潘永勝宋士英兵三枝都爲威武營而以張  
惟德統練于蘆峰深河撫寧上下又將陳政  
金漢傑兵二枝都爲宣武營而以龔彰統肄  
于遵化分防董喜潘三口二官撫摩演練各  
得士心數月以來旌旗敗色且資俸俱久遷

轉其時應各實授以都司職銜分領其事以  
酌前勞而需後效者也至于滿桂盧抱忠邢  
萬民孟喬芳路元寧雖係任淺皆轉自本屬  
汪爾信吳道明今雖陞任功在兩防例應併  
叙者也居庸路叅將李嘉訓石門路遊擊梁  
柱朝昌平左騎營遊擊今陞京營叅將殷體  
信松棚路遊擊巢丕昌燕河路都司今陞山  
西老營堡遊擊王秉忠宣府營都司李承恩  
通州右營都司今陞通津營遊擊汪登瑞河

大營都司殷道隆三屯鎮坐營中軍今調山  
海鎮中軍方裕崙大安口守備今陞遵化左  
營都司張國卿密雲道中軍守備唐堯典大  
水谷守備劉體謙薊州鎮餉司中軍今陞三  
屯鎮坐營張國振橫嶺城守備王修仁遵化  
道中軍守備王相將軍關提調孫繼祖白羊  
城守備賈士奇黃花鎮守備今陞右車營都  
司安治平永平道中軍守備羅墀吉家莊提  
調今陞任孫桂黃噠口提調李縉祖以上各

官銳爲英蕩輦作豐藩刻心厲白水之盟矢  
力蕩黑山之稜胼手胝足千尋雉堞連雲橫  
禦揮戈萬竈蜺旌耀日防無懈于終始狼烟  
消斥堠之紅勞不憚于夙宵塞草回關河之  
綠合力總之合膽分憂乃以分猷相應並薦  
紀錄內殷體信王秉忠孫桂雖經陞任而歲  
叙邊勞有不可泯汪登瑞方裕崙張國卿張  
國振安治平皆轉自鎮屬例應併敘者也至  
于營路應薦中千等官遵照部題近例人各

註考如振武營中軍今陞黑谷關守備蕭應  
魁借箸縱橫三略揮戈辟易萬夫虎幄風清  
龍城日煖永平忠武營中軍今陞桃林口守  
備張繼先運籌虜在目中挾纊衆歸掌上二  
腔義膽八面雄風山石道中軍高攀桂橫槊  
張弛有紀挽強巧力俱優筭竇黃符勞宣赤  
幟通州道中軍霍先登灝氣鞭霆駕斗鴻材  
揭日流雲吉協師中聲騰塞上密雲左營千  
總孔宗義雙劍欲鳴風雨六韜時吐虹霓火

藝攻堅鏊登獲醜密雲左營中軍趙安宇神  
力勇當百戰慧心計出六竒啟處靡寧恩威  
皆著石門路千總趙椿鋒利囊錐脫穎驍騰  
技肉穿楊刀斗不譁風雲能應遵化威虜營  
千總徐崇正臨機敏練材鋒恪職軒昂氣槩  
知竒知正能守能攻臺頭營千總傅崇德賈  
勇軍中雷動詰戎塞上霜飛氣凜吞胡才優  
蒐乘遵化標下親兵千總中其祐官箴恪守  
軍律嚴明趙袒虎視雄軀組練鷹揚銳質石

匣營中軍王心翼桴鼓貔貅作氣條鏃犬豕  
懷恩乘障長才登壇妙選遵化右營千總趙  
邦治猛厲爪牙誠抒心膂整旅柳營春暖遮  
胡榆塞秋寒三屯右營中軍張國祚師遵節  
制材負騰驥撫摩虎帳生春檢制蚩旗掩夜  
喜峰路中軍陳有光隄防屹倚千城簡閱爭  
看侯碩衆推神臂獨飲胡頭遵化威虜營中  
軍王漢武畧傳豹秘力射狼芒奉官淵谷爲  
兢作士水火可赴馬蘭路寬佃谷千總楊光



國機嚴手撫青萍力銳目搖赤羽拊循有賴  
鼓厲無前東路南兵營中軍徐蕙匣中劔舞  
凌霜臂上弓開滿月夙嫺矜畧誓掃烽塵遵  
化標下督造火噐加衛守備李時舉心嫺邊  
務身踐戎行試火神可衝鋒造車巧能合轍  
燕河路中軍蔣若蕙雄姿猛虎當關捷足神  
駒走坂伍無怨讎胸有甲兵建昌路坐營金  
應奎橫弣能探虎穴擊鼓欲渡龍沙稔識邊  
防雅堪師紀山石二路塘撥千總楊春志奮

請纓謀深繫組訓練具徵實效馳驅可備艱  
虞西路塘撥千總鄭朝綱學酣符畧心切條  
鏃謹飭原是儒生沉雄可方名將臺頭馬營  
坐營白思忠當先勇不顧身用刺智能察敵  
陣花獨結寒草咸滋遵化威虜營千總方宗  
卿性資爽練材質躋雄弄丸我伐用張說劔  
彼胡無敵此中千等官之應薦錄用者也又  
訪得石塘路都司王嘉言胸饒狙詐志埒蠅  
營籌邊鮮桑土之憂玩寇召犬羊之侮一本

官到任索白馬關規例銀二百兩大水谷一

百兩

云

一將逃軍死馬兩三月不報向管

糧于後庵每月扣三四十兩不等計十箇月

共得銀三百餘兩仍將領出新軍鹽菜銀全

不給散本官侵用槩營通知王朴等証一沿

邊戒備不嚴哨守無人致狡夷擁入內地殺

擄最慘此一官者衝鋒無勇難言虎豹當關

吮血恣貪洵是豺狼橫路士紳莫不切齒卒

伍業已離心相應革任仍聽勘明究結者也

遵化右營都司僉書今陞河南掌印都司周

慶麟心惟阿堵貌是革囊椎吸欲竭脂膏陰

陽渾同鬼蜮一到任坐占逃故軍缺四十名

每名一年昂糧銀七兩二錢計在任一年零

三箇月共得銀四百三十餘兩百總趙迪証

云

一監修本城西角樓採割窰柴五千餘

担變價一百五十餘兩入已書記關玉山証

此一官者蟬衣薄質蠅糞濁腸放利恣睢剝

軍共差塗炭倖官苟免速謗今尚沸騰欲快

羣情宜加三褫相應革任回衛者也密雲中  
衛掌印指揮今陞鎮虜關提調鍾鳴陞才同  
樗櫟慾厭苞苴安攘未展半籌占昂偏工百  
計一本官先掌衛印賣軍昂餉隨事索詐天  
啟元年四月內包封城操軍士

皇賞每名該銀五錢止給四錢五分計六百餘名  
共剋銀二十餘兩管事張成等証云一該  
提應應領牌襖峰臺塘撥尖哨軍士四百餘  
名除當過三年者全支其脫逃私補止當一

二年或三五箇月者領襖不給褲領褲不給  
襖并空缺一百二十餘名無人關領襖褲共  
二百九十餘件俱本官侵剋入已委官李後  
泉經識魏國宣証此一官者攫金在在股脂  
府怨人人刺骨居家聞逆父之鏡惡掌衛飽  
削伍之狼貪褫斥尚有餘辜拏究方伸公憤  
相應革任提問追贓正罪以警穢弁者也白  
馬關守備宇內平性淫好貪氣粗無勇撫虜  
大彰怨讟守關全乏綢繆一扣剋夷人酒米

等物凡酒灌水凡米減數惟將匪物搪塞或以賤貨折抵貴色在任年餘共尅減銀二千餘兩以致賊夷沿邊起釁貽害最慘云明暗火落赤糾聚部落直入高家庄雞王谷等處搶擄莊村四處殺掠男婦三十餘名口已經塘報見存勘問此一官者禦侮非長一任疆場蹂躪侵漁備巧罔思哨備空虛逝波不足濯腥罄竹未能盡過相應革任提問以儆貪玩者也黑谷關守備今陞任王統才譎猥

瑣性地糊塗當官片善未聞轉任煩言嘖起有謂其經管撫賞錢糧不照原額辦給兩年之內多用銀七千餘兩者云有謂其將前

任千總張成德原交板標賣用八百餘塊所得餘利不行開銷者此一官者貌邊守若弁髦因知振刷居撫賞爲奇貨恣肆侵漁鼯鼠之量已盈黔驢之技立盡相應以原官降處仍聽該道查核錢糧以結賞局者也董家口關提調孟承寵才非乘障行類穿窬臨事不

諳機宜防邊殊多踈縱一本官占食空糧三十分每月月餉二十一兩計一年餘共得銀二百八十餘兩云一委令守關官孟士卿打造軍器火箭等物受銀一十餘兩不行稽查以致各物不堪虛文搪塞書記方先証此一官者孳孳爲利滿腔錢濟難消弱胥纔絕塞干掇奚賴當從衆棄難望自強相應革任回衛者也羅文谷守備今陞大寧都司僉書黃嘉祿憤憤無知耽耽射利部下脂膏已

竭軍中怨恨難消一本官到任有關寨等官

謁見索要見面禮每員除段刃外又索書帕

禮三兩云一家丁孔有賢脫逃二年糧銀

四十八兩俱本官侵冒訖蕭應元証此一官

者苞苴肥已線索繇人逐事推敲已類負塗

之豕一朝獵轉共稱漏網之鯨相應革任回

衛者也洪山口關提調張敬壽張爲能饗饗

成性家計取盈于塞下邊情不介于胸中一

本官每月止稱公費使用科歛臺烽軍士云

一 本官尅落撫賞銀兩奸計令尖夜設騙鋪行酒米麵等物價銀分文不給以致舖戶撫賞夷人本官在傍坐視行戶王拐子証此一官者貌似恢恢衷則汶汶露機鋒而多口憎如荆棘專利壑而衆心嫉若虎狼欲振戎行宜清蠱蠹相應革任回衛者也鞏華城守備劉登科術疎防範智巧誅求祇貪花酒流連罔顧雀符嘯聚一本官報部濬河軍六百名止二百名應差云一本官與况天祥蘇

時雨輪流挾妓金錢兒月桂小望子王賽姐每夜飲酒放縱無忌張鼎鉉等証此一官者敗名喪檢縱盜殃民倘齷齪庸流獲及寬政將椎埋貽害寧有已時相應革任回衛者也墻子嶺提調今劣轉白應時景逼嶮隘已死在得之戒行同市井偏工暮夜之謀一天啟元年五月二十四日被賊夷殺死撥夜一名邵見拏去七名已經進口二名劉敖王應云一役軍私採柴薪發與舖行每担要價三

分計十餘次共得銀五百餘兩各鋪戶沈四等証此一官者蹶而復起自知日暮途窮巧以濟貧不顧人非鬼責劣轉猶爲漏網穢革始足盡辜相應革任回衛者也灤陽營都司今陞通州中營遊擊桂聯芳才工逐臭智善文姦當衝地而股削有聲馭驕兵而紀律未諳一本官原任將軍關提調于萬曆四十七年三月內到任坐占馬步軍士云一營內額設車輛爲山海調去本官無所事事恣將

兵士占放幾空行伍旋轉通州中營遊擊益無顧忌故縱部兵鼓譟討糧擊毀坐糧廳放糧白牌鎮城騷動而本官談笑自如恬不爲意此一官者利令智昏剛以慾誦盡軍丁而魚肉溝漕已盈縱部伍以囂譁節制安在但念年力尚爾強壯懲創可收桑榆相應重加降處以彰使過者也建昌路中軍把總國恩蒲柳秋容桑榆晚節戎伍罔知振飭舉動祇見乖張該路爲東協之極衝中軍有傳宣之

重任直此夾氛孔熾邊事靡寧即使年富力  
強尤虞憤較覆餗乃以憤憤之精神雖勉強  
撐持總屬虛囂無實加以庸庸之識見卽苟  
延旦夕終鮮尸牖深謀相應革任回衛者也  
及查天啟二年夏秋衝毀邊工除限外者例  
應免議在限內者固應參究第因靈雨爲祟  
有非人力可施姑從原免酌量罰修另修外  
乃有見修山海工程未完如山海道所報秋  
防客兵大河南營都司夏勳未塹頂牆一百  
零六丈塹地未灌漿牆一十三丈小河南營  
都司陳繼勳未塹頂牆四十三丈蓋因赴工  
愆期督修更懈遂致遺工未竣先縱軍士以  
潛逃又復駕言往追竟圖脫卸而不返此二  
官者身惟求逸念鮮急公邊工著有章程視  
爲故紙部伍罔嚴紀律相繼私逃謬叨領班  
束伍之司難道怠事曠官之誥其山海未畢  
之工雖經該道另派河南天津二營修完然  
二營自有應得之工豈容盈此縮彼山海危



邊諸營畢集倘使人盡效尤將倩誰爲修守  
所當提回補修仍如律究擬以儆官邪者也  
以各路主兵將領守邊者言之除陞遷革任  
新任各官及石塘路都司王嘉言鎮虜關提  
調鍾鳴陞白馬關守備宇內平黑谷關守備  
王統董家口關提調孟承寵羅文谷守備黃  
嘉祿洪山口關提調張敬墻子嶺提調白應  
時建昌路中軍國恩已于修防下議處不開  
外其應該分等敘錄者如古北路副總兵顏

光耀馬蘭路遊擊朱桂芳大水谷守備劉體  
謙潮河川守備張成德潘家口守備胡從信  
大毛山管提調事把總李魁春界嶺口守備  
今陞都司仍管守備事曹應登以上各官所  
轄邊關俱終歲無犯防撫得宜應君上等紀  
錄及照近例如慎選委官置買賞物稽查撫  
賞不許私增俱歲終一體甄別今據鎮道查  
報協路奉行惟謹本年委買俱堪並無侵少  
其各夷歲賞如額並無逾例將備有撫夷責

任者各悉心經理不徇錮習相應通敘者也  
松棚路遊擊巢丕呂石門路遊擊梁柱朝榆  
木嶺提調楊奇勳黃岷口提調李縉祖將軍  
關提調孫繼祖青山口管提調事把總畢尚  
信冷口守備楊文魁白羊城守備賈士奇以  
上各官俱防撫嚴慎關隘無虞內路將梁柱  
朝所屬地方有境外被撲軍哨然邊警孔棘  
之際亦能固守封疆有備無患揆情似有可  
原相應列之中等以勵人心者也以主客將

領選練者言之除任淺功微應獎遊擊都司  
守提等袁勳等及中千把總等官揣邦政等  
八十四員聽臣等徑行外其勞績顯著應敘  
者如團練西協五車營副總兵署都督僉事  
萬化孚密雲標下中軍副總兵楊元吉密雲  
標下練兵副總兵倪寵密雲車右營遊擊王  
純臣通州中營陞任叅將賈秉廉永平忠武  
營遊擊袁麟密雲車前營都司今陞喜峰路  
遊擊孟吉三屯車營民兵佐擊今陞山海扞

武營叅將尹應聘密雲左掖營都司柴時秀  
密雲標下撫夷都司閔守信密雲標下旗鼓  
都司高應岳中路南兵營都司今陞昌平左  
騎營遊擊王嘉春通州右營都司委可教密  
雲車前營都司談堯德密雲車中營坐營今  
陞車左營都司黃龍密雲車右營坐營今陞  
車後營都司王嘉賓密雲車前營坐營今陞  
石匣營都司劉芳美三屯車營守備劉昌胤  
遵化守備潘立勳薊州道中軍守備崔凝秀

薊州守備今陞振武營都司王應登密雲守  
備紀永壽薊州鎮餉司中軍把總李金星三  
屯標下旗鼓把總顧明德漕河營把總武宗  
尹昌平道中軍守備王光前昌鎮標下旗鼓  
把總盧華岳密雲鎮餉司中軍把總張麟趾  
以上各官胸蟠玄秘氣噴丹流爲時危振長  
策展也腹心干城當要害制奇兵綽乎臂指  
車輔志安

社稷謀立而知艱維艱算協戢鈴氣鼓而當斷必

斷超山絕澗俱增玉塞之角張嘯月寒星無  
異金城之方略草木威名皆熟營壘光彩自  
生相應薦揚紀錄內車營副總兵萬化孚家  
傳籌畧世篤忠貞團練一營拮据三載廉介  
之操如水鎮定之力如山是以士卒歸心以  
鳥合之衆當匱乏之時雖征衣裘帽質典無  
餘未有一人之失伍脫巾而呼庚癸者則本  
官之撫摩深而禁令肅也前以車營團練告  
成該督臣

題陞總兵今又兩防再竣非有顯擢何以示勸  
似應加總兵職銜候督臣分兵之後另

題巖鎮以竟其績而酌其勞者也其楊元吉袁  
麟孟吉尹應聘王嘉春委可教談堯德黃龍  
王嘉賓劉芳美王應登今任雖未及其甚或款  
虜宣勞或蒐乘著績或本屬轉陞賈秉庶今  
雖陞任前勞難泯皆當併敘及昭近

題馬政並責協守稽查歲終一體甄別今據鎮  
道冊報本年馬匹倒死間有一二踰額然爲

數不多事難苛責其餘俱無踰例併應紀敘  
者也密雲贊畫道中軍楊國威劈畫呈竒武  
庫傳宣露穎智囊俠氣空庭英齡入殼密雲  
標下練兵加銜守備王世明玉執貞操戈橫  
勁氣志趣超超道上才情矯矯出羣密雲左  
營千總王應科技成可以落鵬虜遜猶如困  
獸以須摩厲足底廓清密雲監軍道旗鼓謝  
復升射虎名著師中推牛人規表下雄逾保  
障計效綢繆密雲車中營中軍指揮李一敬

美髯雄幹備略深心縱橫八陣屯雲慷慨一  
腔貫日密雲車右營中軍李永成鼓壯自完  
玄甲推誠衆置赤心借箸呈竒穿楊致遠密  
雲車中營守備謝朱綬砥礪雅能茹檠剿裁  
易若承蜩出塞雄心空羣捷足通州左營守  
備管中軍事趙一鳳搏俎聿成廟算金湯頓  
廓妖氛勇可冠軍任堪長子密雲車營練兵  
千總王之殿猛槩搏風壯猷揭日馭士克威  
克愛教車知守知攻密雲車前營守備管中

軍事駱尚賢刁斗特嚴部伍韜鈴具妙機衡  
氣繞龍堆才雄鳳塞密雲車後營守備管中  
軍事包文光程功逸不辭勞遇事甘能習苦  
桓桓鳩虎勃勃封狼密雲車營火噐千總黃  
翺積火具電掣風揚醪投春回律暖應收虎  
帳用靖狼烟通州左營左哨千總管把總事  
唐之靖果銳一身是膽決張九矢如攜畧裕  
智囊才長武庫石匣總兵標下練兵千總朱  
世勲溫恭外炳耿介中涵紆籌氣奪毡裘擗  
管風生羽檄遵化威虜營千總潘光祖石符  
業擁神韜萍劒氣凌斗匣吞胡壮志固圉長  
材墻子路中軍馮盛世驥足捷才虎頭偉貌  
廉慎具占雅操威名久著仇區通州道聽用  
官丁振赳赳電掃龍沙侯侯風生盾鼻思馳  
萬里力敵千軍遵化標下練兵千總李龍角  
藝五兵俱善吐籌千轉不窮盡却浮誇足收  
實用西路南兵營千總黃元極指麾妙合韜  
鈴紀律時嚴刁斗威覃北塞惠浹南兵通州

右營把總邵詔厲精壁壘生風鼓衆旌旗耀  
日功期橫草志切空庭西路南兵營中軍楊  
中元飭已馴若儒生談兵潛如處女少忠骨  
鯁發穎毛錐遵化標下家丁千總張在豐枝  
擅衆長膽包全智居恒分甘結伴當事邁往  
爭先密雲車中營千總聞人杰射策科名鵲  
起教車紀律鷹揚指定天山心週日馭遵化  
標下督造戰車千總徐國興器宇謙冲可挹  
操持艱苦不洽苑是干城佇看度幕遵化標

下親丁千總吳俊傑調御衆中大體精勤事  
內小心恩著投醪力先拔幟遵化左營千總  
劉進賈勇萬夫必往挽強七札皆穿胸外蜚  
聲行間增色通州道內丁千總米豐隆擐甲  
光搖組練鳴鏑力銳馳驅百戰能先三犁必  
效密雲督造火器把總謝子龍神器能摧堅  
壘精心足佐貞師矯矯見長駉駉欲度此中  
千等官之應薦錄用者也相應題

請伏乞

勅下兵部再加查酌如果臣等所言不謬將王繼  
等李嘉訓等萬化孚等蕭應魁等楊國威等  
各分別紀錄仍行臣等賞勸內萬化孚加陞  
總兵朱來加陞叅將李世爵加陞遊擊各職  
銜仍照舊管事張惟德陞授威武營都司龔  
彰陞授宣武營都司王嘉言周夢麟鍾鳴陞  
宇內平孟承寵黃嘉祿張敬劉登科白應時  
國恩各董斥內鍾鳴陞宇內平仍行按關二  
臣提問追贓王嘉言候將失事緣繇勘明究  
結王統以原官降處仍聽臣等行密雲道將  
經手撫賞錢糧查明結局桂聯芳重加降處  
夏勲陳繼勲行河南撫臣差官押赴山海補  
修未完工程如律究擬俱覆議上  
請施行庶儲才六師之間奮績一旅之上良楛各  
呈其分堅瑕不爽其程而撫練修防重鎮永  
賴矣謹題請

旨

天啟二年十月十七日具題二十三日奉



聖旨兵部知道

餘王孫以京官到邊以離引等語密雲嚴保

議薦將材疏

議薦將材以備擢用事卷查先准兵部咨該  
本部題前事內開邊方錄用乏人合行各邊  
督撫會行巡按巡關御史各將所屬衛所指  
揮鎮撫千百戶及各營路中軍千把總等官  
加意諏訪如果年力精強才猷諳練謀勇兼  
長緩急可恃者卽于年終酌量

奏薦逐名註考要見某某宜于衝邊某某宜于  
次衝某某堪任大將某某堪任偏裨惟其人

無拘名數貴乎精弗當昂濫等因題奉

聖旨是各衛所武官材勇堪任的着督撫等官傳訪精覈從公奏薦與武舉相兼備用不許昂濫欽此續准兵部咨該本部題甄別邊材欵開備行總真才據實

奏報等因又准兵部咨該本部題議年終例薦將材先年曾經本部具題奉有

欽依各鎮通行已久惟是薊遼保定不知始自何年竟不舉行近來止有按關復

命方行舉薦一次其中有薦及格者寥寥數人殊非

朝廷廣搜博採之意合無移文該鎮督撫衙門查照本部原題及宣大陝西各鎮近年事例除甄別效勞官員外各將所屬衛所指揮鎮撫千百戶及各營路中軍千把總等官中有年力精壯才猷諳練謀勇兼長者卽于年終酌量

奏薦逐名註考其宜衝邊其宜次衝另疏具題

以備採擇等因俱題奉

欽依節經咨行遵照在卷今照天啟二年終又經  
備行遵化等道兵備按察使等官張樸等遵  
照節行從公考驗具報前來覆加酌覈該臣  
會同出鎮行邊總督軍務兵部尚書王

巡按直隸監察御史彭

潘

議照程

器輪轅共號助丁將伯招材琴鈞總弘化于  
作人時當東西之孔棘誼合大小以同仇五  
鎮各標十五路影纓附注之屬才勇兼長勞

績竝茂者甄別已徧無煩疏列如密雲標下  
聽用原任都司張抱赤壯事老謀並擅腹竒  
舌戰兼長題授候推守備蔡承勲效勞一十  
餘年列薦一十六次題授候推守備張國祚  
桑秉平成玄炯原任守備陳大聰遵化標下  
提塘百戶張棟皆劾薦已足勞勩最深各宜  
量材擢用以示激勸外查得密雲標下聽用  
原任協守山石二路副總兵吳自勉籌邊四  
座風生固圉重關氛息塞旗獨步推轂宜先

密雲標下聽用原任喜峰路遊擊郭登選扼  
虎雄軀剽蛟猛氣果毅軍前赤幟指麾塞上  
白眉遵化標下聽用原任石門路叅將李時  
芳貌凜山西勁氣胸涵濟北奇書扼險長才  
衝鋒妙選遵化標下聽用原任廣西都司僉  
書莊志傳揮戈萬騎從雲立檢一塵誓水師  
貞不忝謀老堪資遵化標下聽用原任京營  
坐營張福安個憊氣欲吞胡鼓舞才長警衆  
廉能集事智裕卽戎遵化標下聽用原任遼

東海州叅將黃壘邊防具晰情形將畧尤嫻  
指縱帶表雅度詩禮雄風三屯標下聽用原  
任都司馬雄當衝虎豹張威警衆風雲變色  
志矜伏櫪氣奮蒙輪三屯標下聽用原任遊  
擊馮大樑一鼓先登驍猛六奇勝計文韜膽  
壯子龍謀追定遠遵化標下聽用原任遼東  
都司僉書安邦弓冶家傳將畧粉榆淚滿胡  
腥虎視雄姿落鵬妙手密雲標下聽用蒲州  
衛千戶楊其莊技擅寧弧勇能扛鼎痛父抱

龍沙之恨吞胡切馬革之思遵化標下練兵  
加銜都司曹光寓青鳳文華碧鷄武畧玄女  
恒隨太乙彎弧直落天狼密雲標下聽用靖  
虜衛試百戶路騰龍說劍芒寒星斗揮戈光  
閃河山胸有沉機目無驕虜遵化標下聽用  
加銜遊擊安國棟心兵物腹智膽包身長纓  
欲繫名酋尺檄能清瀚海密雲標下聽用莊  
浪衛百戶李鴻基峙獄英姿澄淵朗識愛士  
一齋必共臨戎七尺可捐密雲標下聽用錦

衣衛武學官生房可宗昂標插漢虬龍銳氣  
追風驟駉略探黃石志淬青萍密雲標下旗  
牌官張士英軒昂偉幹沉毅深心節費具見  
長才辭廩更徵雅志遵化標下聽用守備周  
應龍姿雄首壓貔貅氣猛遙吞犬豕風雲義  
激草木威生密雲標下副旗鼓守備張淥英  
姿映玉雅志出塵六韜時蔚虹霓雙劍夜鳴  
風雨遵化標下聽用守備連鉤傳家清白爲  
心赴敵慷慨是膽金城借箸玉壘崇墉密雲

贊畫道聽用原任遼東中固城守備解繼隆  
智略淵涵才鋒犀利甘苦能同士卒馳驅不  
懈夙宵霸州道中軍守備閩爾志操持端潔  
智畧恢宏傳宣色動旌旗拊輯惠孚營壘肅  
州道聽用官興州左屯衛指揮僉事張起龍  
天賦雄姿人推駿畧三尺恒懷壯志一編綽  
有竒謀山海鎮標下加銜守備陶伯登氣雄  
電掣謀裕雲蒸虜情洞若列眉陣秘嫻于指  
掌密雲標下旗牌官定邊衛千戶葉中枝意  
氣雄飛塞上機宜妙合師中百練才鋒一腔  
義膽密雲道聽用官密雲後衛鎮撫李登庸  
踴躍于天莫敵閭關百戰堪經掃蕩無氛運  
籌有制山海鎮標下加銜守備劉邦振矯迅  
凌雲俊鷲軒昂出水神駒志欲吞胡材堪報  
國遵化武學科正錦衣衛中式武舉劉國孝  
挽強銳欲追鋒染翰文能草檄頡頏武力卓  
犖師儒永平武學科正忠義中衛中式武舉  
王尊德精瑩匣劍寒芒鋒利囊錐脫穎提躬

能恪教胄知方霸州道聽用官興州中屯衛  
百戶劉志忠一呼技擊爭先百戰精神欲奮  
奇標磊落勝畧縱橫密雲標下叅謀東光縣  
生員程仲化赤日矢心青冥倚劔戰守畫諸  
掌上機奇運自胸中盧龍衛掌印指揮李志  
副談兵三畧熟嫻約已一塵不染恩孚部曲  
望重千城密雲標下領兵千總楊伯萬訓練  
陣成魚鸛指揮令肅貔貅劔拂霜花弓開月  
影遵化標下旗牌官興州左屯衛指揮谷應  
瑞枕戈壯志礪劔雄才奉公露處弗辭求敵  
星驅矢效密雲標下聽用龍門所冠帶總旗  
王維城英風鐵騎奔山妙技雕弓破的虎符  
可握駿樹堪期遵化衛掌印指揮呂儀鳳英  
標楚楚壯氣桓桓署篆水心映雪恤軍革帳  
生春密雲標下聽用梁城所指揮于大猷談  
兵倒傾河漢列陣直捲風雲志壯三犁才堪  
一面通州道副中軍雷起蛟躍馬萬人避銳  
寧弧百步穿楊志奮長纓謀高前箸昌平道

家丁千總張福宏才爽奕以多箕氣軒舉而  
直前佇奮雲霄難淹櫪下遵化標下聽用武  
舉易學元探鈴黃石皆窺較技白猿並捷戎  
行駿足巖地干城遵化標下旗牌官興州前  
屯衛鎮撫周允成一矢九發無虛八陣四游  
足用力惟扼虎氣欲食牛遵化標下旗牌官  
宇內定稱戈舉眉皆優秣馬厲兵有法材堪  
決勝志效功堅遵化標下旗牌官忠義中衛  
千戶應襲王助弘趙桓不讓虎臣奔軼雅知

將種思馳萬里憤落雙鷗永平衛掌印指揮  
陳靖華功勤蒐乘志奮請纓擴謀悉諳韜鈴  
聞警獨先士卒遵化標下聽用加銜守備沈  
用善志勤豹略技擅火攻激烈不顧一身期  
許欲行五間昌平鎮標下聽用榆林衛指揮  
應襲白宏謨識類明珠照乘才同新刃發矟  
寧數門功居然將種遵化標下聽用原任守  
備王極氣勁凌霜孤幹膽雄回雪長矛赴敵  
爭先撫軍共感遵化標下聽用千總王廷對



長才駕遠偉貌出羣率作啟處靡寧禦侮驅  
馳匪懈密雲中衛掌印指揮邵繼勛弓冶無  
虧世業韶鈴雅識神機淬甲有心舉旗佇效  
遵化標下密雲傳報千總吳秉忠劈畫一腔  
膽智馳驅百倍精神拔幟前鋒借籌英選以  
上各官皆一時介冑之良所當薦揚以備擢  
用在吳自勉郭登選李時芳莊志傳張福安  
黃璽馬雄馮大樑安邦楊其莊安國棟房可  
宗周應龍張淥解繼隆陶伯登葉中技李登  
庸劉國孝雷起蛟易學元陳靖華王極白宏  
謨王廷對俱宜于極衝曹光寓路騰龍李鴻  
基張士英連陶閻爾志張起龍劉邦振王尊  
德劉志忠程仲化李志副楊伯萬谷應瑞王  
維城呂儀鳳于大猷張福宏周允成宇內定  
王勛弘沈用善邵繼勛吳秉忠俱宜于次衝  
相應遇缺酌量推補偏裨守提之任內莊志  
傳耻事脂韋力圖洗刷頃委統練薊州駐防  
黃調煥所遺兵馬盡掃從來占昂科尅諸弊

戎伍爲之改色張福安困衡已久薦剡屢登  
目下奉委浙直收買軍前一應器用奮身逆  
徃絕不以艱遠櫻心周應龍勇可摧鋒智能  
排難昌平陳政之兵屢檄不赴委以督領力  
過其安家

皇賞衣資器械之叟叟而旬日間欽戢隨行及臣  
過堂清核乃以任怨力辭絕無係戀皆傭佼  
佼而鐵錚錚者似應從優紀錄將張福安周  
應龍亟行擢用莊志傳

題覆實授以鼓廉勇者也伏乞

勅下兵部再加查訪如果臣等所言不謬將吳自  
勉等附簿分別酌量推用庶執戟倚輶皆露  
穎于矯矯而摧鋒犯鏑堪致果于赳赳帶礪  
可保無虞聲靈聿擴有截矣謹題請

旨

天啟三年十月十七日具題二十三日奉

聖旨兵部知道

薊鎮武備疏

夷虜狡謀叵測剿防武備全虛懇乞

聖明洞察撫臣鎮臣塘報旦夕可慮

勅下該部早措急需預扼要害以鞏一墻之藩籬  
以保萬年之

宗社事薊門延袤千里向來惟虞三衛諸虜蹈瑕  
窺隙耳目兩遼失守而東氛愈迫奴與虜離  
而要挾日聞奴與虜合而傾危立至向所謂  
薊門匹馬不入爲功在昔猶易而今則百倍

之難有非額設軍兵所能支柱者矣臣先疏  
自永平蘆峰以迄深河秦王島議建水陸四  
營蓋爲薊遼孔道計也總計營房車馬盔甲  
器械共銀一十萬六百二十兩部覆奉

旨錢糧着該部措處臣日夕引領未見查發復慮  
義界桃冷喜峰馬蘭古北諸口間道可越旋  
將水陸四營拓而爲六改酌分防計營房車  
馬盔甲器械旗幟響器共銀八萬七千零四  
十兩比之前數已爲少省設防八百餘里而

費僅止此又三閱月措處杳然豈以西虜就  
撫東夷未逞遂可銷兵輟備乎而不知夷與  
虜皆未嘗一日忘我也節據燕河等路將備  
馬永貴等稟稱狼素差家人達子到都令營  
內向多柰滾吉并扒拜貴英說稱我們朵顏  
衛各家頭目隣邊攔擋奴酋保定邊疆裏邊  
止與一季賞喫內有舊賞又斷了不與反不  
如東邊插漢家住巢離邊又遠又不差夷攔  
擋奴酋倒喫二季大賞惱恨不過會合三十

六家達子三萬餘騎約在閏十月半前後犯  
搶中後所前衛山海東西地方又有黃達子  
丁刻兔伯彥阿哈罕不賴士并獐兔各差夷  
人會合阿只不賴撥計那莫賽王燒餅杜龍  
滿都不賴納莫他不能煖太兀魯孩子等首  
奏兵一萬先差通夷前往山海講賞如不與  
就設兵三千在山海門上堵擋裡邊人馬不  
得應援又設兵一股在于中前所一股在于  
前衛一股在于寧遠東西地方犯搶合謀思

逞業屢見告此北虜之可爲慮者也然猶曰  
要挾之故智耳而明酋之狂悖則又有大可  
駭者據署石塘路事遊擊張定稟稱明暗合  
落赤致書與署白馬關事提調白應時內稱  
你關上將我喫過的賞斷了不與又因屢次  
欺我將我的書內實話只當謊言因此我一  
怒把兩家大事壞了如今只我母親主得我  
的事我身下有二個娘子連我四個每人許  
你與我們八託長的蟒龍一疋好大牛一隻

粳米一石棗兒一石白麵一石小麥一石鹽  
一石大麥一石燒酒一簍意酒一個好大南  
茶十包重一十六兩備辦俱全差人送來與  
我問安顯是你敬我之情那時纔差人與你  
去說若不依我這話沒這禮物不消差人出  
來我看下白馬石塘的庄堡我要搶他就是  
我手心裡攢着一般等語其傲慢之詞閱之  
令人髮豎皆緣薊門恃撫忘戰階之厲耳今  
卽不敢輕言戰何敢諱而不言使撫窮而守

且不足恃也此西虜之可爲慮者也狼素爲  
伯暈友之男長邛之孫種類夙悍近爲三衛  
各酋總管首發難端率衆要索明暗合落赤  
則趕兔之子順義王辛愛之孫兄弟三人長  
趕兔殺奪朵顏衛夷酋長男貢

勅并白馬關額賞初娶各羅個嬖只生一男曰乞  
炭亥續拿其父妾滿旦生二男長曰明暗合  
落赤卽宣鎮所稱溫布台吉者次日毛乞炭  
又趕兔第二弟毛困殺奪泰寧衛都督只兒

揆

貢賞生三男長曰召里賓次日曰阿暈三日鎖那  
今阿暈復拿滿且部落各二千餘名趕兔第  
三弟禿喇兔娶屬夷婦猛古振嬖只爲妻生  
子阿要什等四人夫死而母子最驍部落亦  
二千餘名三部互相雄長躑躅古北石塘之  
間殆非一日今日索新賞明日求加增白馬  
之蹠血未乾而慢詞踵至此猶其小者耳近  
接邸報兵部暨科臣趙時用各題稱毛文龍

所報奴酋欲賄買炒花捷經喜峰消息旋閱  
毛文龍塘報據原差間諜周萬全等稟稱于  
本年八月十六日過渡至遼陽城中住一日  
至二十日有一西人從遼兵中投見奴酋于  
月亮地裡細問中有可恨言語要將金復海  
蓋趕回馬三萬餘匹盡行喂壯又與四王子  
商議說山海關有兵馬將幾車金銀布疋與  
西達子炒花買路要從喜峰口攻進決一死  
戰兼有柯汝棟佟養性二賊在傍唆之不巳

寇心甚盛等因又閱遼東山海撫臣張鳳翼塘報據回鄉人張得勝供稱如今牛庄輓包要安插投降西虜截遼民回鄉歸路又製造九斤綿甲教達子學打三眼槍去年八月老憨意想回巢佟李二駙馬不肯說要圖大事如今老寨子夷人都來新城住等情又據回鄉人王之翰王之祚供稱見有四輪車俱在代子河邊放着前用板方十二塊遮擋推着甚輕沿河俱有達子看守等情又據山石道

副使袁崇煥稟報本月十九日酉時分據忠順夷官兔吉他不能差孫郎中賁稟帖稟稱有我東探部夷回說奴酋帶領五六萬餘騎兵馬要過河來了又有黑石炭家達子有四五萬祭了旗上了馬不知往那裡去又有哈喇慎家達子有四五千往東去了小夷星夜稟報等因合撫鎮二報而奴酋之狡謀立見矣奴知關門屯宿重兵布置綦密而金復一帶軍聲遠振不能得志于東南遂欲垂涎于



西北出我不意假道長驅此爲確信查遼東  
大凌河抵喜峰間道雜出一從椴木衝順大  
紅羅山北川計程四百餘里一從紅羅山寬  
邦高臺紅草溝蔚素爛荅黃哇僅三百七十  
里無一亭一障戍卒候騎之阻且爲諸虜

貢道內地情形乃其素習而口外川廣勢觀萬  
馬可馳同川之濟家口千雉悉傾指而東則  
董家口一望無際指而西則古北口坦道易  
突奴稍一賄通便可就捷狂逞此又東夷之

大爲可慮者也不直此也大寧城距薊僅  
三四百里東南爲片石大毛西南爲義院界  
嶺順地河而下則桃林冷口適當其衝越灤  
河而西則馬蘭墻古並罹其患而喜峰諸口  
又不必言矣是知全薊三協皆捷徑則皆危  
道也狼烟一警烽火直達甘泉臣同所條上  
修工簡兵二疏已深慮及此而三協喫緊要  
着則新營于蘆峰于永平者東協諸口之應  
兵也而簡稽全在協守杜應魁久以劾去所

當刻期選補者一新營于三屯于薊州于遵  
化以衛

貢道而防各口者喜峰董潘三口馬松二路之  
應兵也議將提督王威添兵三千已得民兵  
九百京兵五百九十八名尚少兵一千五百  
二名所當刻期募補者二新營于石匣以西  
聯密鎮車兵者則牆曹石古四路之應兵也  
議將總兵孫祖壽添兵三千已得民兵九百  
名又有周弘祖禱流浙兵六百五十五名尚

欠兵一千四百四十五名所當刻期募補者  
三而順義李文輝之兵二千已經覆咨樞輔  
再三商確調重地不可輕輟但當專官精簡  
以清虛伍而裨實用耳第就通州諸營責令  
總兵張士顯勤肄嚴汰而得其空伍卽不填  
補以爲王威孫祖壽募補之需可移彼就此  
無煩增餉也通營已經前通州撫臣疏

請帑金建造營旁共一千六百三十二間器械共  
二萬餘件爲該道所冊報而蘆峰三屯遵化

薊州石匣諸兵無營芻則卽次無棲無車馬  
則衝扼無藉無盔甲器仗則赤體空拳無以  
鼓先登無旗幟響器則耳目閉塞無以明進  
止而臣所疏

請銀兩並未措給則一切軍需皆屬虛語此臣之  
所以日夕展轉而食不下咽也臣拮据經年  
力所得爲者除節飭各路刷兵飼馬繕器嚴  
哨外已曷暑歷險細查坍塌宜修十九衝工  
應計日改築而無其人核虛汰冗布置六營

于十五路間可就邊簡肄而無其費分遣廉  
幹官弁以四千金咨行浙直撫按平買軍前  
一應器物爲工作之需而未克于用揆括廢  
鐵四萬餘斤鉛料二萬一千斤可備目下製  
造又成造六合大砲四十餘位盔甲二千餘  
副槍刀一千六百餘件大小鉛彈三萬餘個  
火藥三萬八千餘斤洗刷挫劇廢棄大砲連  
珠砲腰刀等一千餘件合練八陣竒正營于  
遵化威虜標下二營共四千餘人分練武藝

于左右韜三官凡二十四教師每月演藝三十人僅得驍捷力士六百餘名而其他皆分防馬軍與修工額軍耳凡此僅足爲一隅乘城之備而不足收臨敵折衝之效亦並不妄動新餉俱隨事籌省錙銖積累而爲之者而臣力所不能爲而號助于

內廷者則各口塢工非班兵不能修所當急

請撥河大等營一萬餘名乘時興作各口險隘非武衝大車不能兩所當急

請發見貯

京廠成造武剛車三百輛按口布置品坑陷馬

鋼輪大砲火銃火礮之屬非多儲硝黃不能

應卒所當急

請運工部硝黃二十餘萬按法製造以上三項并前所

請募補營兵營費八萬七千零四十金及班工犒卹銀兩按兵計數刻期分發給令各鎮道協路路効力人人殫心臣可盡心力而爲之隨

宜防剿因便制勝夷與虜離而撫可以就條  
錠夷與虜合而剿可以惟意指倘數者呼之  
不應應之或遲而日居月諸徒令邊臣偷蔭  
視息一旦有急錢糧各費將百倍于此而時  
已後矣悔無及矣卽捐臣軀而徇之何救于  
宗社之萬一哉伏乞

皇上洞察撫鎮塘報匪虛危疆假道可慮  
亟勅戶兵工三部將微臣所

請一

俞允趨此冬寒夙夜經營以防奴酋不時狂逞各  
虜伺隙要挾母復悠悠忽忽急而難圖震驚  
陵京始罪微臣以不早行控

請抑亦晚矣仍容臣移咨宣大督撫嚴諭明暗合  
落赤卽溫布台吉一虜二名兩地領賞將踰  
數萬如仍不悛一體斷革決意行剿更有保  
河民兵銀兩一項向來遵庫儲有數萬爲各  
鎮餉司借給兵餉已空尚有節年未解銀一  
十一萬五千五百九十餘兩仍容臣移咨保